





第一一五五册

四庫全書

●上海古籍出版社

本冊目次

乾章 雙溪 止堂
道熙 泉類
稿稿 稟集

宋趙蕃撰……………一

宋王炎撰……………四一一

宋彭龜年撰……………七五九

欽定四庫全書

集部
乾道稿卷上
下

詳校官庶吉士臣吳烜

主事臣呂雲棟覆勘

總校官編修臣朱齡

校對官編修臣陳昌齊

謄錄監生臣梁天重

欽定四庫全書

集部四

乾道稿 淳熙稿 章泉稿 別集類三 宋

提要

臣等謹案乾道稿淳熙稿章泉稿三集並宋趙蕃撰蕃字昌父號章泉先世鄞州人建炎初其曾祖昉官於信州因家焉蕃以昉致仕恩補官後終直秘閣蕃始受學劉清之年至五十始問學於朱子朱子文集與蕃尺牘凡

欽定四庫全書

乾道稿
提要

六首蕃與朱子往還詩及他作之稱述朱子者亦二十餘首其相契頗深朱子答徐斯遠書有云昌父志操文詞皆非流輩所及且欲其刊落枝葉就日用間深察義理之本然庶幾有所據依以造實地不但為騷人墨客而已所以期許之者亦甚至然蕃本詞人晚乃講學實未嘗有所論著其究也仍以詩傳與澗泉韓流有二泉先生之稱流集久佚今從

永樂大典哀輯已別著錄舊集亦無傳本而永樂大典所收頗富併為採假編次依舊本標題聲為乾道稿二卷淳熙稿二十卷章象稿五卷共計二十七卷而以著本傳及劉宰所作墓表附錄於後初著為太和簿時受知於楊萬里萬里贈詩有云西昌主簿如禪僧日餐秋菊嚼春冰又云勸渠未要思舊隱且與西昌作好春又為作寫真贊云貌恭氣和無月下推敲之勢神清骨聳非山頭瘦客之容一笑詩成萬象春風云云則其詩派實出江西劉克莊政亦云近歲詩人惟趙章泉五言有陶阮意所作後村詩話錄其詩頗夥詩人玉屑載著論詩一則以陳后山寄外舅詩為全篇之似杜者後戴式之愚家用陳韻又全篇之似陳者觀所品題其淵源亦可概見矣乾隆四十九年十一月恭校上

總纂官臣陸錫熊臣孫士毅
校官臣陸費墀

欽定四庫全書

乾道稿卷上

宋 趙蕃 撰

五言古詩

東坡在惠州窘於衣食以重九近有樽俎蕭然
之歎和淵明貧士七詩今去重九三日爾僕以
新穀未升方絕糧是憂至於樽俎又未暇計也
因誦靖節貧士詩及坡翁所和者輒復用韻

欽定四庫全書

乾道稿
卷上

故鄉墮渺茫迺窮山依力業困乏資蕭颯如秋暉人
生初無恨歲月著翼飛更堪幾寒暑蔓草真同歸與懷
死後名不補身前餓已矣勿多譚寧能置深悲

淵明生亂世何意爭鶴軒念歸非一日寓說因田園不
嗟瓶儲空寧歎龜絕烟聲名向千載誰得加磨研孟軻
論尚友我亦佩此言古人未易誣今代無茲賢

誰云鍾期死伯牙遂忘琴淵明出晉宋東坡作知音究
其出處問岵岵皆直尋和詩固亡恙端若一手斟我時

誦其集危坐常加欽緬懷兩先生千古同此心

四皓逃南山下視衣褐妻不知建成客孰與封君酬夷

齊古逸民食粟猶吐周何曾墮人計圖安卒成憂不然

靖節翁那與沮溺倚傾于一日間無羨斯無求

去年迫重九倦游正長干稅駕僧屋古無從借船官今

年山中居朝暮無續餐甬身設九尺何時解餒寒貨殖

賜何有單瓢未醺顏因知昔人意追勝貧非關

閒居起常早倦巾首如迷偶緡西都書意外文字工清

欽定四庫全書

乾道稿
卷上

名誰為高深深惟楚龔當時豈無人罕與二子同乃知
士生世不貴侯籍通九原如可作何憚執鞭從

昔在龐德公有足不入州鸞鳳自有志燕雀安可儔迺

知金石堅不逐萬物流當時天下事因為長者憂未易

一木支殺身何能酬令人為短氣哀哉融與修

謁文叔于松谷

鷄鳴成柴車月落到林寺先生方睡美童子驚客至晨
霜繁屋瓦初日照平地雖非賈公宿似是超師誼分攜

屬秋風倏忽竟此歲相望不為遠數見良不易公行立
朝班我政親農耜自茲出處殊寧使心迹異歡華一朝
寵風節千古事要令松谷名因公表於世

自玉山歸竹隱後宿廣平院

久客倦城市薄言歸田廬抹馬待日歛顛風忽來俱橫
策徑成去撲埃滿鬚晴雷隱虛空數雨如投珠渴甚
念芳歎遲回尋荒居少焉復前過行行過烟墟但驚田
疇間有似稿復蘇及經道逢衝餘流尚通渠乃悟適來

欽定四庫全書

卷上

兩咫尺或有無天公本何心分龍信非誣自茲到吾樓
尚嶺更複迂山窮偶逢寺可以休僕痛投鞍議食事僅
具粥一盂道人吾故人問我來崎嶇既能設瓜果村酒
亦復沽我愧非淵明僧誠遠公徒停杯竟高枕夢境知
何如明當帶星起草露徒侵裾還家一何忙規竹齊架
書優哉且自適休閒瓶無儲

逆興二首

秋清意自佳況此山庵靜今晨風日暖亦復起我病叢

深本屏多激烈香成陣何必蒼荀林方能明佛性
西風何從來驚我庭下綠竹君了不知儼立若帶東山
居隨無友弔影唯吾僕得此助婆婆寧能嘆幽獨

寒夜曉起呈斯遠

黃昏月甚佳夜半風忽起魚鼈天又變况覺寒通水破
衾不能溫曲身豈復論聰明亟問似霜裏明朝瞰梅開
何處樹索莫誰能顧被褐復扶筇從君覓詩去

晨起

欽定四庫全書

卷上

布衾失餘溫紙窓微明霜繁萬瓦白江可一葦橫故
園菊應荒却岸每且榮客遊胡滯留歲事行崢嶸

幽居

窓前亦何有有愧儼而長植之自誰歟花開幾經黃那
知窓中人不作昔日忙但戀六月陰超然傲羲皇

得晴欲過江訪梅已忍病作天亦復陰悵然有
賦

立春數日間梅花未多暗書窓有折枝每浸則微吐殘

編宵未眠卯酒朝白晝時聞通幽香似接譚妙語林園
何人家殿地非容與曾和將軍祠老木瞰江游時中幾
及之欲往遭雪阻莫要居士勉但費先生楮前朝得霜
霽決意喚鳴擔肩興已出門邂逅謁吾侶忽馬頭岑岑
歸卧更侵晡或者應為累人急療莫禦杯鏹且棄置樂
餌事煎羹豈唯病獨然陰雲重彌宇羲之嗜山水誓墓
不自許浩翁訪岑公亦歎連朝雨世人肆貪求妄意輒
簪組寧知一笑適亦自有從拒天雲會當聞我病亦應
愈但恐梅之花踰蹊如化羽

欽定四庫全書

卷上

五

從孫一昆仲求毗陵筆

宣城凡諸葛管城不中書我無孫舟長顧病河流紆朝
來罷茶甌閑詩念追摹毛雖不勝任一戰驚摧車孫郎
吳中回此物富有餘日云得秘法靈口絕觀觀君今英
妙年賦成似相如自宜給筆札奏技承明廬非如寒窻
人章句分錙銖多貯竟胡為何妨稍遺余

七言古詩

達齋作十二辰歌見贈且帥同作

蟲臂鼠肝能幾許何如徑駕牛車去虎頭未必果藏絕
死穴猶采輪狡兔先生端見人中龍為蛇畫足吾何功
士窮有愧食穀馬况乃爛羊關內封春風聞花到猴李
白酒黃雞思下里賦因狗監笑相如猪肝不食寧為說
題歸去來圖

淵明豈樂居巖數逢此百罹聊飲酒龔生未免不食亡
孔融竟落磊雄手想見龍眠下筆時竹目精神思尚友
閒園我亦有遺恨不得執屐從其後

欽定四庫全書

卷上

六

送周仲材罷官還婺女侍旁

仲材名補洲
人嘗耕玉山

天風索索鳴枯桑天寒自茲繁雪霜故人別我向何許
蘭溪水深葦可杭憶初識君上君堂論文許叅鴻雁行
三年還往少間斷患好如此宜毋忘人生會合胡能常
君行我留增慨慷雖云吳楚數驛地書札便恐疎寄將
君才有如玉截肪不待雕琢成文章一官婆娑百僚底
衆謂寶器橫道旁問君此去何具忙金尊綵服樂未央

佐年盛事一門見父子持橐俱明光

張信州持晴輒應以詩賀之

舍東舍西絲車鳴阪南阪北秧龍平共期今年好春事
自茲無苦惟須晴如何忽作十日雨農夫輟耕病紅女
爾曹端端何足云急使憂形使君慮人言水旱有常數
豐凶不假析襁助那知使君爲民爾一念未萌神固許
朝來風色端何祥溪流復故山屏張欣然此屋盡和氣
使君之賜真無央

欽定四庫全書

喜晴

卷上

春風吹晴簷雨止蘭芽半吐梅堆委階前背蔭苔蘚深
曳杖不妨成細履浮生憂喜均何如誰能役役愁其軀
時閒意適且自慰莫問詰朝瓶乏儲

樂歲秋

早禾登場無餘粒晚禾結穗俱全實如聞自入夏秋禾
十日一雨晴五日去年夏旱秋與同早禾半獲晚禾空
未云收穫告畢工十家九家愁歎中豈知今年有豐殖

父子相安妻反室東坡先生故嘗言民自天氏天定邨
我今千里方來歸釋擔先題樂歲詩其誰傳似閭里兒
乘時閒雅將安施

落星寺

我自廬山十五載奔走坐受世迫隘今年一夢落星灣遠
賞意短終不快褰裳高步千仞岡下規城郭等蓬塊陰
風遠來龍噫吟大江東下波滂湃遠游止爲兩眸計扶
杖深歎造物大五老自是吾故人一笑却恨浮雲礙欲
搜短句記來游倚檻孤嘯上方外康州浩翁我所師借
問遺碑悉安在

欽定四庫全書

卷上

過女兒浦

青山我我髻鬟流水瑟瑟鳴佩環朝雲暮雨在何許
秋月春風空自聞予今老矣鬢且班行役殆遍江之南
舊遊渺邈大姑石吾家側近了頭巖

抵南康

江天漠漠江雲濕江波浩浩江鷗急二十年間幾經歷

欲論舊事俱陳迹舟人漁子笑且語不知客子行路苦
今夜解帆落星渚典衣市酒寬久旅

成父以子進釀法為酒酒成許分貺趣之以詩
併呈子進昆仲

蘓仙盡飲不滿勺平生願求酒方略空山松桂不使間必
使捐糜效斟酌自言生客有酣適已難獨醒同醉樂是
心可以付調元歎息鄉來湖海著邇來繼有孫夫子丈
高飲少俱蘓若如何喜釀又相似叔教典型亂今昨談
欽定四庫全書

乾道稿
卷上

九

間快說酒中病屢戰如遇將軍霍至其妙處死神授后
稷播種神農藥冬菊近撒不老泉石室蘭溪望風卻我
時籃輿適過之靜掃玉亭供僊薄呼童洗鴈置我前謂
我多寡隨人各詎須珠玉姑脩容濡唇頓爾忘語謔我
云此乃酒御史徑取橄欖充咀嚼庶幾正味兩相類祛
我沉疴屏無作我家是邦陋隨俗白酒釀來纔宿諾彼
人固肯號茅柴此意豈復知京洛阿連開道愈於我換
米急拋居士屨不勞大齊挽妻孥要與論功上麟閣松

今旬月計已熟沾溉況自有夙約醉鄉道路久生梗愁
城疆界思開拓便須健步速持似預恐看積窮搜索梅
公不與俗子對我亦竹門無鎖鑰但判醉倒更微吟萬
事休休還莫莫

近乏筆託二張求之于市殊不堪也作長句以
資一笑

詩老作詩窮欲死序詩過得歐陽氏序言人窮詩過工
此語不疑如信史少陵流落白也竄郊島推埋終不起
欽定四庫全書

乾道稿
卷上

十

是知造物惡錮鑊故遣饑寒放其體嗟我小小不解事
失身偶落翰墨裏年來百念已灰滅只有宿心猶在此
後來不作諸老亡冥行恐墮澗谷底雖云黃卷可尚友
糟粕詎能臻妙理率然有作每自厭一紙真成再三毀
庶幾撫藁望豐年亦學乘流到滄溪那知事遇有大纓
藝未及成窮已至皆言詩工固可俟窮為先兆自應爾
生茲不復置追悔志在溫飽誠足鄙玄泓管楮日相從
固異小八甘若醴竭來中書忽告老一朝左右手俱廢

朔風咏月不耐閒按圖姑聽求諸市我詩縱不稱犀象
葦管雞毛那慣使紛紛著墨與水浮勢如絲亂安得治
戲題滿几輒大笑翻憶兒時汗憲紙操舟無長病河紆
我詩因說當罪已僕猶詩云我無操舟長病河紆又聞工欲善其事
未有不先資利器作賤搜乞累朋友往往猶吾歎崔子
錦囊藤篋世不乏鼠齧蟲攻誰料理那知我輩有百艱
此事且然他可比

邵檄子肅檢視早田以詩寄之

欽定四庫全書

乾道稿
卷上

是邦且熟無多收況於水旱相為憂使君奏課避非實
檄公檢視臨田疇民聞公來相告語活國憂民公自許
平時愛我如恐傷今胡不能為輕賦人生衣食固有端
作苦寧敢求自安分當戮力給公上何意年歲逢艱難
吾君德盛過文景詔書屢下民惟省公具為我謝使君
考雖下下民安枕

乾道稿卷上

欽定四庫全書

乾道稿卷下

五言律詩

宋 趙蕃 撰

題江實道江行晚日圖

霞尾千山赤雲腰幾樹連若非彭蠡正當是洞庭偏歲
月驚飛鳥功名憶望鸞閑圖若有感歸思忽無邊

晨起

欽定四庫全書

乾道稿
卷下

入語村村好雞聲處處聞樹猶埋宿雨山未釋停雲俯
仰夏已度屈伸秋又分平生燈火念牢落嘆離羣

幽居多暇風雨兼旬山色蒼蔥禽聲在樹願而

樂之因賦此

林雪乾留凍噉雲行帶昏幽人貪熟睡簷鵲故多言宿
潤微侵屨晨光漸滿軒倦能行竹逗閑且灌蘭盆

有以靈壽杖為睨周視累年忽爾摧折感而賦之

度嶺且萬里友于凡幾年忽驚同拉朽何敢恃狀顛躓
勝亡行具結跌跚坐禪山南與山北從此罷踟躕

山行

晨起雨間雪晚行風送晴梅殘冰玉瘦林遠畫圖呈賈
客嗟長路農夫樂早耕余懷獨無累徒倚待詩成

清明

寒食又清明連陰得暫晴欲知春事晚已見綠陰成蝶
有俱飛逐鳥仍求反聲春衣明暖至短褐尚寒生

欽定四庫全書

卷下

徙居祖印寺

十載依脩竹今秋始一辭琴書與俱載風月故長隨四
海均為寓旁觀莫浪疑全家肯同住未覩鹿門期

郊居秋晚五首

舊歲早為虛今年雨以時如聞諸郡國可脫丰寒饑我
自無田者空成學歲詩誰官太史氏直筆要無遺
祇道秋蕭索未阜能再開驚看倚修竹便恐滿蒼苔花
瘦非疇昔香深有自來微吟真浪爾細折為誰哉

庭菊種匪晚秋風開爾連人嗟地力薄我有歲寒期蘭

芷元同類蒿萊敢肆欺懷哉非失所社老護街悲

松柏有正性風霜無橫侵南方異搖落衆木共青森曲

士應懷悅我曹嘗感心詩成誰和者絃絕未忘琴

霜雨飛何密窮秋易作悲長身竹孤瘦短髮草黃萎新

遇風霜迫誰無裘褐思向惟迯夏日今已念朝曦

催租人至作

竹屋煎茶罷風來散帙餘花殘蜂不至食盡雀來踈無

欽定四庫全書

卷下

客對揮塵有邪扶逋除茲時潘處士詩敗為催租

端峯往還三首

振衣猶戶內發興已雲端問路非生境達人若素歎行

知近林遠望覺遠峯攢嶺可資瞻眺胡能郵髀體

甚厭窮居陋聊為佛界遊追隨有逢掖應對屬方袍

性便幽隱畏逋思避迯明當與山別回肯念塵勞

暫住已積日此生知幾來欲客看天橋側足避崔嵬隨

意從登降無心計挽推雲寒易成晚家近故須回

小園早步

今朝欣雨止天氣漸清和
薜蘿小桃破階除馴雀多
占方移果樹帶玉數疏科
畧務侵尋及吾寧久卧病

閏月二十日離玉山八月到餘干易舟又二日

抵鄱陽城追集途中所作得詩十有二首

推輪荒水磨潑潑火連湖縱使非長路能忘去此都未
應為物役真復坐鐵驅好在佳山水懔應識故吾

草草朝成市忽忽客繫船荒離亂人語細雨推炊煙歲

欽定四庫全書

乾道初

月真前夢江山殆宿緣沙鷗應笑我疎髻與當年

岸盡催撐渡風橫促解橋傳聞記常處偉觀得今朝時
有疎鐘度誰云隔岸遙明當絕溪去應為好山招

下水有放溜沂流多哭灘人能等逆運事豈病艱難返

照千山赤卷風雨聲寒生乎慣行役無復漫悲酸

汭口成孤泊章巖說舊道征商毋見挽日暮自應休煙

暝棲鴉樹沙昏宿鷺洲浮生真泛泛吾道本悠悠

借石誰為主叫應呼莫謾樓高纔隱約樹遠更嗟噓掛

席凡三過停橈欠一登扁舟向何許漂泊傍漁罾

樓殿何年寺檣帆別郡船溪山妙圖畫井邑盛人煙未

覺鄱音改空驚歲事遷桃花知不遠底處覓真僊

不見千株樹空留百尺臺仙人定無有行客自衰回更

欲危欄倚生嫌莫已催病僧多不出門外長蒼苔

望望龜峯寺行行番國船林深寒日薄沙迥晚風顛能

賦思孫楚同行有惠連好詩相撥觸才盡不能宣

後學欲游龜峯不果短行

欽定四庫全書

乾道初

喚渡風殊慄穿林日向中飛泉半崖落峭壁與天通往

者名猶在仙人事已空徐巖不為遠歸去若思忽

試登雲錦閣還上揖仙亭棟宇雖摧落江山自典型衝

風聊策杖晚日更揚舲要寫吳江句初無六尺屏

揖仙亭上觀秋源生

草草天涯掉悠悠江上鷗琵琶千古恨蓑笠十年將莫

向官亭泊閑為佛界流明朝更西去依舊覓扁舟

定諒浦

掉掠湖邊浦帆收柳外橋蒲深映晷沒浪靜覺魚跳紗
恰因眠側霜豪倚醉搖春風空浩蕩客思只蕭條

富陽道中遇風感歎作

回首江山舊他年來往頻人誰無一飽汝獨值多辛泛
泛將何往悠悠覓此身懷哉松與菊白露及時新

將宿天心寺以失路遂止野人家

一出有百阻吾生何太艱問途迷野寺積潭落前山勢
必鷄晨待聊安虎落間濁醪無路覓破衲與渠聞

欽定四庫全書

乾道
卷下

喜公擇之歸兼懷子荪三首

曾因避仇去竟作倦遊歸梅益經青眼蠅塵染素衣湖
山新有得歲月舊成非小定能來否柴關夜啓扉
予去吾誰與諸孫共此悲幾經行役苦還讀寄來詩事
要規摹立寧憂寒餓為安知造物意於爾不吾私
建德老斯立近來雙鯉魚殷勤數稱子交友未慚余多
病誰如我微官政浼渠吾君方銳治何乃緩微車

悼亡

凡別生難見生離死會逢休憑海山信浪覓少翁春
院無新跡羅衣有舊綻昨朝桃李絕今日綠陰重

悼劉仲遠

名顯時時次
漳州別駕

平生遠齋老為說惡運賢制行有成德工詩稱舊聯幾
年徒慕想十載復周旋別去吳中遺書無雁足傳

朝共阿戎飯暮同烏戍舟新詩蒙惠好顧成開釀酬化
鶴驚何往觀魚事已休音容無日見巾屨想神游

不念適兄老恐遺諸子才結交予最晚聞訃亦深哀銘

欽定四庫全書

乾道
卷下

志誰為作松杉何地栽堂堂那復有皎日竟浮埃

五言長律

竹隱新籬

地迴闕虎落秋來逢鼠偷貧居乏給使力作費營謀鄰
近俱相禁謹言卒未休濁醪澆渴肺香飯飽饑喉密篠
分新翠深林失故稠斬除才就求委積動成丘經布潛
依整蛇行曲過溝周遭類屏障森列勝戈矛黃耳斯逃
責青鵠好在不出棲知有託高枕得無憂

七言律詩

呈趙叔侍郎子直二首

憶昨才聞召節趨江湖日月誦除書政迹去此不容咫
物望在廷誰得如豈但疲民望藹醒更知寒士待吹嘘
所期異日施行次不負于今拜獻初
潦倒三年白下官畏違常以此心觀未為廟令直不易
翻入帝城良獨難落落白頭游且倦悠悠青眼刺空漫
文章功用知無補保此不渝惟歲寒

欽定四庫全書

東下
下

侍郎周公不赴富沙士論推高以詩寄呈

入誰不慕直言名未有保持終不傾可使濁淫侵渭水
信於落月見長庚要令國有九鼎重自是身如一葉輕
常病此風今寂寞古涂荆棘賴公行

新淦道中呈運使錢侍郎

幾日陰霾闕不開今晨萬頃靜無埃山楓借潤旌雅色
江鳥忘機鼓吹猜詔獄務平動駐節閩符兼總待還臺
扁舟又過東隨微借此餘波亦快哉

同謝文翁判送趙台州至靈鷲寺判大道中有
詩蕃同賦

朝來細雨又微風連我山行盡日中英嘆籃輿碾泥淖
也勝策馬犯塵紅欲知風俗家家厚看取耕桑處處同
更訪百年耄白叟要聽舊事說元豐
仁先日同訪進士周
云云

訪梅殊未有閒意

不憚朝寒起杖藜問梅隨往到山蹊枯根半死苔痕剝

欽定四庫全書

東下
下

細蕾深藏藤刺迷倚市懸知無正態入空遠恐見深穢
幽居空谷端可愧顛歎詩無老手題

次韻子庸秋日感興兼懷公擇二首

炎冷財分覆手間化機於爾見深慳歸歟君釣荆溪水
已矣我耕懷玉山幾羨脩辭辭世網絕憐駸足老天閑
區區莫有窮迷歎了了要從初地還

秋晝誰無旅路思一年行矣又垂垂顧慚志行如山立
敢為推遷作浪悲貧賤已知安少壯功名何有望哀遲

長安此際尤蕭索，坐念故人應窘炊。

十三日逆風舟行甚速

昨夜縱風幾喪生，今朝沂水頗留行。
細看洶湧收帆脚，孰若夷猶聽策策。
客路了知難數傲，長年謂我勿多驚。
世間逢達元同致，笑問到衢今幾程。

寒食前一日發黃堰明日抵定誇連日逆風吹

沙不可渡湖

故人留我過寒食，意重寧同所歷家。
苦信長竿貪道里，

欽定四庫全書

載道編
卷下

翻成五日滯風沙，擬從塔上占鈴語。
又見雲間起砲車，立過津頭無數柳。
亂絲頻擺失棲鴉，

兩日隨錢丈放舟，恬無風浪。今日別歸，仍值逆

風，作長句寄錢丈。

大舸帆高掠浦飛，小舟芰短沂灘歸。
雖云來去難俱遂，自是神人相不違。
賴得好山看要熟，不妨晚雨落仍微。
遲回半日夫何歎，於此因知造物機。

雨中逢興呈遠齋父子孫文昆仲

睡思昏然盡掩門，覺來山雨已翻盆。
黃梅應熟驕人念，

綠野可耕田父言。林外竹鷄時自語，階前花鴨故相喧。

詩材滿眼費驅使，此事合輸劉與孫。

趣成父釀酒用于進家法，故及其昆仲。

入眼江梅皆好枝，是中勞我幾懷思。
詩聲何止一頭出，

酒事乃稱百室師。

百室之師，謂解習惟師活翁語。

聞道名方曾口授，定

應買秫趁冬炊。小須旬月釀當熟，寄我茅齋不可遲。

感懷

欽定四庫全書

載道編
卷下

憶在兒童間，混融江湖老矣。再能逢潮音，過伏門聞虎。
神骨嵯峨，霜後松粥飯，雙應隨願力。并春終可聽吾從。
蕭灘灘上風帆發，引領白雲何處峯。

清明懷成父

只道今年寒食晴，那知風雨在清明。
異鄉逢節自感動，何況此身今老生。
為底輕辭墳墓去，不敢回首弟兄情。
悠然強作江東望，雲湧如山白浪橫。

喜晴